

Na osnovu člana 12. Zakona o javnim preduzećima Federacije Bosne i Hercegovine („Službene novine Federacije BiH“, broj: 8/05, 81/08, 22/09 i 109/12), člana 8. Zakona o ministarskim, vladinim i drugim imenovanjima FBiH („Sl. Novine FBiH“ br. 34/03 i 65/13), član. 14 Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzla“, broj 11/15), a u skladu sa članom 40. tačka 6. Statuta Javnog preduzeća RPC Tuzla-Inkubator „Lipnica“ d.o.o. u Tuzli (broj 577-01/19, od 22.04.2019. godine, te Odlukom Nadzornog odbora broj 01-710-1/22 od 27.10.2022 godine, Nadzorni odbor raspisuje:

## JAVNI KONKURS

za izbor i imenovanje direktora  
JP RPC Tuzla-Inkubator „Lipnica“ d.o.o. u Tuzli

### I. Naziv pozicije:

Direktor Javnog preduzeća RPC Tuzla-Inkubator „Lipnica“ d.o.o. u Tuzli – 1 (jedan) izvršilac (u daljem tekstu: direktor)  
Imenovanje direktora vrši se na period od 4 (četiri) godine.

### II. Opis pozicije:

Opis pozicije direktora JP RPC Tuzla-Inkubator „Lipnica“ d.o.o. u Tuzli:

- vodi poslovanje Društva i samostalno donosi odluke u vođenju poslovne politike u okviru programa rada i planova razvoja Društva,
- predlaže Nadzornom odboru i Skupštini program rada i plan razvoja Društva,
- priprema i predlaže Nadzornom odboru i Skupštini opšta akta Društva i odluke iz poslovanja Društva za čije su usvajanje nadležni Nadzorni odbor ili Skupština,
- donosi opšta akta Društva, čije donošenje nije u nadležnosti Nadzornog odbora ili Skupštine Društva,
- zastupa Društvo prema trećim licima u okviru djelatnosti Društva,
- podnosi Nadzornom odboru izvještaje o poslovanju Društva po periodičnom i godišnjem poslovanju,
- odgovoran je za zakonitost rada u Društvu,
- zaključuje ugovore u ime Javnog preduzeća – Društva,
- izvršava odluke Skupštine i Nadzornog odbora,
- donosi odluku o upućivanju na službeni put,
- donosi odluke o potrebi zasnivanja radnog odnosa sa zaposlenicima u skladu sa programom razvoja Društva i opštim aktima, prima u radni odnos i raspoređuje zaposlenike u Društvu te imenuje zaposlenike sa posebnim ovlaštenjima i odgovornostima,
- donosi rješenja o prestanku radnog odnosa u slučajevima predviđenim zakonom i opštim aktima Društva,
- izriče mjere odgovornosti radnicima za povredu radne obaveze, u skladu sa zakonom i opštim aktima,
- ima i druga prava i obaveze utvrđene opštim aktima Društva i zakonom.

### III. Opći uslovi:

Kandidati za imenovanje na poziciju direktora moraju ispunjavati slijedeće opće uslove:

1. da su državljani Bosne i Hercegovine,
2. da su stariji od 18 godina, ali ne stariji od 65 godina,
3. da se protiv njih ne vodi krivični postupak,
4. da se na njih ne odnosi član IX stav 1. Ustava Bosne i Hercegovine,
5. da nisu osuđivani za krivično djelo ili privredni prestup koji predstavlja smetnju za imenovanje na upražnjenu poziciju u roku od 5 (pet) godina od dana izdržane, izvršene, oproštene ili zastarjele kazne,
6. da im odlukom suda nije zabranjeno obavljanje dužnosti direktora,
7. da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 (tri) godine prije dana objavljivanja oglasa za upražnjenu poziciju,
8. da nisu izabrani dužnosnici, nosioci izvršne funkcije ili savjetnici u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj 70/08).

### IV. Posebni uslovi:

Pored općih uslova, kandidati za direktora moraju ispunjavati i slijedeće posebne uslove:

1. da imaju VSS/VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja koje se vrednuje sa najmanje 240 ECTS bodova tehničkog ili društvenog smjera,
2. da imaju najmanje 5 (pet) godina radnog staža u struci nakon završene visoke stručne spreme,
3. da sačine i predstavljaju svoj program rada za mandatni period,
4. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13),

5. da nemaju privatni finansijski interes u odnosu na poziciju na koju se kandiduju,
6. da ne obavljaju posao ili ne vrše dužnost koja po posebnom zakonu ili drugom propisu predstavlja smetnju za imenovanje na poziciju direktora JP RPC Tuzla-Inkubator „Lipnica“ d.o.o.
7. da se ne bave djelatnošću konkurentnom djelatnosti društva,
8. da su prošli stručno usavršavanje u skladu sa Uredbom o usavršavanju predsjednika i članova nadzornih odbora i uprava privrednih društva sa učešćem državnog kapitala („Sl. novine FBiH“, broj: 71/09, 33/10, 23/11, 83/11, 2/13, 80/13, 48/15).

### V. Spisak potrebnih dokumenata:

Kandidati su dužni uz prijavu, koja sadrži kraću biografiju, adresu i kontakt telefon, priložiti slijedeću dokumentaciju:

1. uvjerenje o državljanstvu ne starije od 3 (tri) mjeseca,
2. izvod iz matične knjige rođenih ne stariji od 3 (tri) mjeseca,
3. diplomu o stečenoj visokoj stručnoj spremi,
4. uvjerenje o radnom stažu nakon završene visoke stručne spreme,
5. program rada i vizija za mandatni period,
6. uvjerenje da se protiv kandidata ne vodi krivični postupak, pred nadležnim sudom, (ne starije od 3 mjeseca),
7. uvjerenje o nekažnjavanju od strane nadležnog Ministarstva unutrašnjih poslova, (ne starije od 3 mjeseca),
8. ovjerenu izjavu kandidata o ispunjavanju uslova iz tačke III alineja 4, 5, 6, 7 i 8,
9. ovjerenu izjavu kandidata o ispunjavanju uslova iz tačke IV alineja 4, 5, 6, i 7,
10. certifikat o završenom usavršavanju ili ovjerenu izjavu kandidata o prihvatanju obaveze stručnog usavršavanja u skladu sa Uredbom o usavršavanju predsjednika i članova nadzornih odbora i uprava privrednih društva sa učešćem državnog kapitala („Sl. novine FBiH“, broj: 71/09, 33/10, 23/11, 83/11, 2/13, 80/13, 48/15) ili ovjerena izjava da će u roku od šest mjeseci (6) od dana postavljenja na poziciju izvršiti potrebnu obuku.

Dokumenti koji se prilažu uz prijavu moraju biti u originalu ili ovjerenoj kopiji ne stariji od 3 mjeseca.

Ukoliko kandidat u trenutku prijave na Javni konkurs obavlja posao ili vrši dužnost koja po posebnom zakonu ili drugom propisu predstavlja smetnju za imenovanje na poziciju direktora JP RPC Tuzla-Inkubator „Lipnica“ d.o.o. ili se nalazi na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), dužan je u ovjerenoj izjavi navesti da će odstupiti od navedenih imenovanja, ovlaštenja ili funkcija ukoliko bude izabran kao prvoplasirani kandidat po provedbi ovog Javnog konkursa.

### VI. Ostale napomene

Svi kandidati koji uđu u uži izbor, odnosno koji budu ispunjavali opće i posebne uslove, pozivaju se na intervju. Ocjena kandidata koji ispunjavaju uslove utvrđene tačkama III i IV javnog oglasa izvršit će se na osnovu stepena i profila stručne spreme, kao i radnog staža. Komisija će na osnovu postavljenih pitanja izvršiti ocjenu kandidata i u pogledu:

- komunikativnih i organizatorskih sposobnosti,
- program rada i vizija za mandatni period,
- znanja vezanih za organizaciju i djelatnosti reguliranog organa,
- sposobnosti savjesnog i odgovornog obavljanja poslova upražnjene pozicije,
- sposobnosti nepristrasnog donošenja odluka,
- naklonjenosti timskom radu.

Položaj, ovlaštenja, odgovornosti i prava direktora uređuju se ugovorom između Nadzornog odbora i direktora.

### VII. Rok i mjesto za podnošenje prijave:

Prijavu na javni konkurs sa dokazima o ispunjavanju uslova dostaviti u roku od 15 (petnaest) dana od dana objavljivanja javnog konkursa u „Službenim novinama Federacije BiH“ i dnevnom listu „Oslobođenje“, računajući od dana posljednje objave.

Prijave na konkurs dostaviti lično ili preporučenom poštom putem pošte, na adresu:

JP RPC Tuzla-Inkubator „Lipnica“ d.o.o. u Tuzli  
ul. Proleterskih brigada 60  
75 213 LIPNICA  
sa naznakom:

„Prijava na javni konkurs za izbor i imenovanje direktora JP RPC Tuzla-Inkubator „Lipnica“ d.o.o. u Tuzli – ne otvarati!“

Na poledini pošiljke (koverte) obavezno naznačiti prezime, ime i adresu.  
Nepotpune i neblagovremene prijave neće se uzeti u razmatranje.

Nadzorni odbor JP RPC Tuzla-Inkubator  
„Lipnica“ d.o.o. u Tuzli



Bosna i Hercegovina, Federacija Bosne i Hercegovine, AGENCIJA ZA DRŽAVNU SLUŽBU  
Босна и Херцеговина, Федерација Босне и Херцеговине, АГЕНЦИЈА ЗА ДРЖАВНУ СЛУЖБУ  
Bosnia and Herzegovina, Federation of Bosnia and Herzegovina, CIVIL SERVICE AGENCY

Na osnovu člana 24. stav (3) Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine, broj: U-13/16), člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Srednjobosanskog kantona/ Kantona Središnja Bosna“, broj: 7/11) i člana 5. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj: 13/19), a na zahtjev Ministarstva privrede Srednjobosanskog kantona, Agencija za državnu službu Federacije Bosne i Hercegovine, objavljuje

## JAVNI KONKURS

za popunu radnog mjesta rukovodećeg državnog službenika  
u Ministarstvu privrede Srednjobosanskog kantona

### Radno mjesto:

- Pomoćnik ministra za industriju, poduzetništvo, obrtništvo i rad ..... 1 (jedan) izvršilac

Integralni tekst javnog konkursa možete pogledati na službenoj internet - stranici Agencije za državnu službu Federacije BiH - [www.adsfbih.gov.ba](http://www.adsfbih.gov.ba)

Rok za podnošenje prijave počinje teći od dana objavljivanja javnog konkursa u Službenim novinama Federacije BiH.

DIREKTOR  
Refik Begić, magistar uprave

Bosna i Hercegovina  
Federacija Bosne i Hercegovine  
Kanton Sarajevo



Bosnia and Herzegovina  
Federation of Bosnia and Herzegovina  
Sarajevo Canton

Općina Stari Grad Sarajevo  
Općinski Načelnik

Municipality of Stari Grad Sarajevo  
Municipality Mayor

Na osnovu člana 23. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj: 49/05 i 103/21), Općinski načelnik Općine Stari Grad Sarajevo, raspisuje

## JAVNI OGLAS

za prijem namještenika u radni odnos na neodređeno vrijeme u

Sektoru za tehničke poslove i obezbjeđenje - Odjeljenje za poslove zaštite

1. Referent za poslove zaštite ..... 1 izvršilac

### Posebni uslovi:

SSS – Srednja škola društvenog ili tehničkog smjera  
Najmanje 6 (šest) mjeseci radnog staža  
Certifikat za obavljanje poslova zaštite

Javni oglas ostaje otvoren 15 (petnaest) dana od dana posljednje objave u dnevnik listovima.

Prijave na Javni oglas dostaviti putem protokola Općine ili preporučenom poštom na adresu: OPĆINA STARI GRAD SARAJEVO, ul. Zelenih beretki br. 4, 71 000 Sarajevo sa naznakom: „Za Javni oglas za popunu radnog mjesta namještenika (navesti naziv radnog mjesta)“.

Nepotpune i neblagovremene prijave kao i prijave kandidata koji ne ispunjavaju uslove iz Javnog oglasa neće se uzeti u meritorno razmatranje.

Kompletan tekst javnog oglasa dostupan je na općinskoj web stranici [www.starigrad.ba](http://www.starigrad.ba) (javni pozivi, konkursi, oglasi).

Broj: 01-30-8447/22  
Datum, 03. 11.2022. godine

OPĆINSKI NAČELNIK  
mr. Ibrahim Hadžibajrić

Sarajevo, Zelenih beretki 4,  
Centrala: 033/282-300, Info pult: 033/282-422  
[www.starigrad.ba](http://www.starigrad.ba)  
[info@starigrad.ba](mailto:info@starigrad.ba)

